

mutilacionibus et quibusvis aliis enormibus excessibus citati minime respondebunt nec aliquas penas solvere tenebuntur, sed tantum kmethones et incole predictae ville coram advocato Sandecensi eodem iure Theotunico, quo cives et incole Sandecenses gaudent et fruuntur, de se querulantibus tenebuntur respondere, prout hoc ipsum ius Theotunicum in omnibus suis punctis, sentenciis, articulis, condicionibus et clausulis postulat et requirit; iuribus tamen nostris regalibus in omnibus semper salvis. Harum quibus sigillum nostrum appensum est testimonio litterarum. Actum in Becz feria secunda proxima ante festum Omnium Sanctorum anno Domini millesimo quadringentesimo secundo, presentibus reverendo in Christo patre domino Petro Dei gracia Episcopo Cracouiensi nec non validis strenuisque viris Iohanne de Tanczin Castellano Cracouiensi, Iohanne Liganza Lanciensi, Iacobo de Konyeczpolye Syradiensi Palatinis, Nicolao de Michalow Castellano Woynicensi et Gnewossio de Dalouice Subcamerario Cracouiensi multisque aliis nostris fidelibus fidedignis. Datum per manus venerabilis in Christo patris domini Nicolai Dei gracia sancte Gneznensis ecclesie Archiepiscopi nobis sincere dilecti.

Ad relacionem domini Iohannis  
de Tanczin Castellani Cracouiensis.

Oryginał pergaminowy w archiwum miejskim nowosądeckim Nr. 29. Na sznurkach jedwabnych koloru niebieskiego i różowego zawieszona jest pieczęć majestatyczna królewska.

<sup>1)</sup> Kamionka do Łęga przysiołek w starostwie nowosądeckim.

## XI.

W Krakowie 9. Marca 1403 r.

Władysław Jagiełło wydaje postanowienia dla miasta Sącza w sprawie sprzętów pozostałych po zmarłych małżonkach.

IN NOMINE DOMINI AMEN. Ad perpetuam rei memoriam. Cum inter humane nature comoda nichil dignius memoria habeatur, opportunum existit, ut actus hominum litterarum apicibus et testium annotatione perhennentur, proinde nos Wladislaus Dei gracia Rex Polonie Lithwanieque princeps supremus et heres Russie etc significamus tenore presencium quibus expedit universis presentibus et futuris, presencium noticiam habituris, quod attente mentis intuitu perpendentes clare fidei constanciam et multarum probitatum merita, quibus cives nostri Sandecenses nostram celsitudinem actenus venerabantur et in posterum, ut non ambigimus, non desinent venerari, horum intuitu volentes ipsos specialis gracia prerogativa prevenire





et eos in iuribus et libertatibus et privilegiis cum civibus nostris Cracouiensibus coequare, ipsos hiis prerogativis infrascriptis circa matrimonia contrahenda volumus perfrui et gaudere, horum tenoribus iugiter decernentes, quod quandocumque uxor alicuius civis Sandecensis decesserit ab hac luce, tunc omnia suppellectilia non ad aliquem alium nisi ad maritum et pueros ipsius cuiuscumque sexus fuerint pertinere debent et devolvi, aliis omnibus propinquis exclusis. Si vero pueri non fuerint, extunc omnia suppellectilia, que predicta uxor mortua ad maritum eius apportaverat vel etiam dictorum suppellectiliorum remanencie sorori dicte mortue aut congnate ipsius in linea consanguineitatis propinquiori demere presententur. Si autem aliquis virorum prima sua uxore defuncta et secunda, et contraxerit cum tertia idemque vir procedat ab hac vita extunc omnia suppellectilia, que alias in Theutonico gerode dicuntur, que ipsorum tempore conquisita sunt parte ab utraque, non ad alium nisi ad solam relictam pertinebunt et integraliter devolventur contradiccione cuiuslibet quiescente. Que quidem iura superius premissa eidem civitati Sandecensi conferimus et donamus perpetue et in evum. Harum quibus sigillum nostrum appensum est testimonio litterarum. Actum Cracouie feria sexta proxima ante dominicam Reminiscere anno Domini millesimo CCCC<sup>o</sup> tercio, presentibus hiis validis strenuisque viris Iohanne de Thanczin Castellano Cracouiensi, Iohanne de Tharnow Cracouiensi, Sandziwogio Swidwa Poznaniensi, Petro Kmytha Sandomiriensi, Sandziwogio de Schubin Kalisiensi, Iohanne Liganza Lanciciensi et Iacobo de Koneczpole Syradiensi Palatinis multisque aliis nostris fidelibus fidedignis. Datum per manus venerabilis in Christo patris domini Nicolai de Kurow sancte Gneznensis ecclesie Archiepiscopi nobis sincere dilecti.

Ad relacionem domini Iohannis  
de Thanczin Castellani Cracouiensis.

Oryg. perg. w archiwum miejskim nowosądeckim Nr. 30. Na sznurkach jedwabnych koloru brązowego i czarnego zawieszona większa pieczęć królewska na czerwonym wyciśnięta wosku.

## XII.

W Nowym Sączu 25. Kwietnia 1403 r.

Mikołaj Treutil wójt i ławnicy nowosądecy poświadczają, że Jan i Alusia małżonkowie Kuler sporządzili w obec ich sądu testament.

Nos Nicolaus Treutil, Advocatus Sandecensis Noue, Petrus Gerungr, Iohannes Bonensteter, Nicolaus pistor et Harnuth et Myco lanifices, Iohannes Frolingy, scabini notum volumus esse quibus expedit universis, quod ad nostram accedens presenciam